

西南稀見方志文獻

第四十三卷

中國西南文獻叢書



中國西南文獻叢書·第一輯

西南稀見方誌文獻

第四十三卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

永寧州志	〔清〕黃培杰纂修·····	一
湄潭縣志	〔清〕楊玉柱修纂·····	二八一

【清】黄培杰 纂修

永寧州志

《永寧州志十二卷首一卷》，清黃培杰纂修。培杰，會稽人，官永寧州知州。本書據清道光十七年（公元一八三七年）刻本影印，原書成品尺寸爲二十七點二厘米乘十六點五厘米，版框尺寸爲二十一厘米乘十三點五厘米。

永寧舊無志乾隆間學博謝君廷薰草創
成書旋毀於兵燹閱今又數十載州牧會
稽黃君乃卒成之於序可謂難矣難而卒
能成之可謂知所務矣顧亦思州何為而
有志也哉土地廣矣孰高孰下旱潦應如
何畜洩孰腴孰瘠賦役應如何均平或居

永寧州志

一

衝或居僻防守應如何扼要或多山或多
水物土應如何適宜則非志莫悉也人民
衆矣勁靡異性孰宜剛克孰宜柔克華樸
異俗孰宜示儉孰宜示禮某多鬥訟當束
之以禮讓某多佚遊當導之以勤力則亦
非志莫悉也既周知其土地又熟察其人

民於是而政事乃有所措矣然而道與時
為變通法隨世以輕重則建置之沿革前
賢之擘畫學額之增減物力之登耗習尚
之淳漓人材之升降上下數百年間皆須
目營而心識之則亦非志莫悉也然則志
可無作哉而亦豈可徒作哉今黃君既調

永寧州志

二

黃平而猶汲汲為此則必不僅為紙上之
談而余且將證其境內之象矣黃君勉乎
哉

道光丁酉六月望前三日善化賀長齡序



新修永寧州志序

州有志所以志一州之事實質於今而傳於後可以起化維風所關甚鉅也永寧向無志乾隆壬辰秋學博謝君廷薰始纂輯臣丙申秋告成凡十卷署州牧王司馬潤寰紳士朱紘吳擢田永蕃等議刊未果後經南龍逆苗蔓延城被圍書遂散軼迄今又六十年矣夫自元代設州以來事歷三

永寧州志

卷序

朝歲逾五百凡建置沿革制度典章以及風俗之變易人文之盛衰吏治之興廢物產之盈虛莫不因地制宜隨時損益苟傳聞失實紀載無徵其何以詳覈源流考覈得失俾後之人觀感而興起哉乙未首夏余奉

命牧斯土甫下車欲知是邦之故實索州乘不可得於是囑學博任君清彥孝廉修君武

謨求謝君之所為志閱數月任君瓜代返

省訪於謝君之六子庠生名澂者得數卷修君武謨復於安南楊君嗣煊處得數卷然皆抄本殘缺不全若不急為修葺將併此殘缺不全者久而愈不可得矣豈非司牧者之過哉余不敢以學問謏陋自辭爰於公餘之暇檢閱謝志正其謬芟其繁增益其所無而又考之通志以求其全米之

永寧州志

卷序

二

舊牘以核其實其有不合者則又廣為諮詢折衷焉以歸於至當凡十有一月而藁成為綱十有二為目六十五要皆質而不文敘而不斷疑者闕之濫者黜之可儀型者錄之足鑒戒者載之務愜於人心之公而不失乎記事之旨以為一州之信史是則余之可告無過於斯土者也是為序道光十六年歲次丙申秋七月貴州安順

府永寧州知州會稽黃培杰撰



永寧州志

卷八

三

永寧州志

卷八

舊志序

謝庭薰

朱紫陽蒞官所在輒搜其志彙備一方之實錄卽所以端一方之風化也薰幼時先君子俊公庭訓每舉富湖陸稼書先生之生平以開示業師蒲城原簡齋夫子安平陳定齋夫子皆切切課薰喻義而勿喻利爲已而勿爲人今再膺

簡命助教永庠仰蒙

大憲提撕一切品文物垂典章整綱常美風俗咸分寄於薰之擔負而不可一日弛孔子上下今古夏禮

永寧州志

前卷

一

殷禮非不自能言之而猶屬望於杞宋文獻之足徵蓋雖聖人亦不能以聰明自用也壬辰夏薰時方借補查城訓導都中晤朱主政鍾麒詢知永舊無志薰喟然曰今

天子文治盛則天下文明大郡大邑皆有志也永何缺焉朱主政曰我永之人亦久欲修而特懼網羅之難詳難薰確也薰謬不畏難首於京摘錄一統志以爲根據仲冬踐任復覓元明史新舊省志黔記黔書續文獻通考與一切古籍誠不敢不乙夜搜討惟是查城南

初聞於達安其人其事之載在舊冊者甚屬寥寥苟

非諸君子以永人譚永事先親切吐實各抒所見俾

薰得所藉手薰豈能憑臆以撰耶且夫相臣之薦賢

者盡一世英挺之梗楠杞梓而選之造之所以樹國

樑也史臣錄善者舉千古埋藏之忠孝節義而表之

之揚之所以張國維也周禮小史掌邦國之志外史

掌四方之志其志不同而志之指歸則同懸前鑒同

激後進俾人人感發而興起在上霖雨蒼生在下羽

儀卿黨而人文貴天心順地靈賜庶績咸熙於其間

永寧州志

前卷

二

然則今日卽永之所宜志者選以志乎永政不徒博綜故實會萃衆牘已也正學李君肇基舊相善每互勉以整頓庠序之義自時厥後薰一一同請裁於州長中公贊皇仁公鎮及蕭公梅年善公素皆先後指南而統於司馬王公潤折衷完稿詳呈大憲鑒定是舉也第是先父先師誨薰遺意而深賴王公成之也其在古聖賢豈敢謂竊比毫釐以上副朝廷陶鑄邊方大憲永流宣布之萬一顧薰勉勉簡以查城人之耳目爲耳目薰之耳目不敢有所偏執

永寧州志
卷一
序

以查城人之思慮爲思慮而^嘉之思慮不敢有所專
欲庶幾一筆一削或不背於公是公非若夫觀文而
化成則查城人之不甘自外於
同文盛世也^嘉曾何力之有

主

永寧州志
卷二
序

一祖章皇帝訓士臥碑文

朝廷建立學校選取生員免其丁糧厚以廩膳設學院學
遊學官以教之各衙門官以禮相待全要養成賢才以
優朝廷之用諸生皆當上報國恩下立人品所有教條
開列於後

一 生員之家父母賢智者子當受教父母愚魯或有非爲
者子既讀書明禮當再三懇告使父母不陷於危亡
一 生員立志當學爲忠臣清官書史所載忠清事蹟務須
互相講究凡利國愛民之事更宜留心

永寧州志 首卷 臥碑文

一 生員居心忠厚正直讀書方有實用出仕必作良吏若
心術邪刻讀書必無成就爲官必取禍患行害人之事
者往往自殺其身常宜思省

一 生員不可干求官長交結勢要希圖進身若果心善德
全上天知之必加以福

一 生員當愛身忍性凡有司官衙門不可輕入即有切已
之事只許家、代告不許干與他人詞訟他人亦不許
牽連生員

一 爲學當尊

說皆須誠心聽受如有未明從

容再問毋妄行辨難爲師亦當盡心教訓勿致怠惰
一 軍民一切利病不許生員上書陳言如有一言建白以
違制論黜革治罪

一 生員不許糾黨多人立盟結社把持官府武斷鄉曲所
作文字不許妄行刊刻違者聽提調官治罪

謹案臥碑八條於順治九年

題准刊置明倫堂之左各官到任及學使按臨於祇謁
先師之日教官率生員貢監等詣明倫堂行三跪九叩禮
教官恭捧宣讀令生監等拱聽若無故規避不到行

永寧州志 首卷 臥碑文

學戒飭有唆訟抗糧緣事曾經戒飭者則令階下跪聽
以示懲戒典至重禮至嚴也恭繹教條首之孝以植其
本次之忠清以大其用又次之忠厚正直以居心爲讀
書之本以出仕爲讀書之用而申戒於害人殺身則又
卽前兩條之意而諄切訓勵使皆爲有體有用粹然循
良之學也其後五條則於交結官長出入衙門干預詞
訟以及違制陳言把持官府武斷鄉曲不啻三致意焉
而其要尤在愛身忍性四字士之一身所繫綦重必知
愛而後能忍必能忍而後克全其愛至於出入衙門干

預訓訟把持官府武斷鄉曲則尤不自愛之甚而皆起於不能忍之一念故教條於此尤反覆勸戒而揭其要於愛身忍性使知所以檢飾之方也即第六條之尊敬先生亦欲嚴憚以成其德使循循規矩之中而無敢自恣敬師即以敬身也所以然者

朝廷莫急於求賢而人材必出於學校求士必先養士養士則必重士尤必使士皆知自重而後其出也有以爲夫士既厲身蟹序爲一方之望矣果其敦行修飾式化鄉閭則其爲益於官若民也甚鉅苟或恃符妄作恣意

永寧州志 首卷 陳碑文

三

冥行則其爲害於官若民也亦甚鉅待之優期之厚則防之不得不嚴戒之不得不切也本部院亦學中人耳幼承父師之訓尺寸不敢踰越爲諸生時足跡不入公庭曾不知唆訟抗糧爲何事幸竊科名忝塵侍從重叨恩命待罪封圻自顧輜庸愧無以楮式多士念多士皆吾同類慮或稍不自檢致貽羞辱則多士之玷卽本部院之玷謹將臥碑八條細加闡釋廣爲刊布俾資警省無蹈愆尤爲問諸生在家果能孝於親乎出而從政果能忠盡潔清如書史所載乎利國愛民之事果皆晉意講求

乎斯世斯民所仰望於多士者至重且大多士其何以稱塞乎若夫不法之事甚多而切戒無如好訟何者士莫先於立品恥莫大於辱身一經涉訟無論曲直勝負必先屈膝公堂則已自取辱矣故教條所載必須切己之事始准呈控然亦只許家人代告並不許干預他人詞訟且不許他人牽連作證申徹何等嚴切今乃事不干已動輒跪轅攔輿不待他人牽連早自扛幫代證廉恥掃地言之痛心似此不守臥碑輕則宜加戒飭重且應予斥革地方有司每以生監輒多寬假遂致狂躁妄

永寧州志 首卷 臥碑文

四

爲大悖臥碑之訓甚非所以愛之也本部院念斯文之一脈斷不肯倚勢推折亦不敢曲法姑容爾多士其各自遠恥辱毋使士林減色也倘竟怙過不悛仍然出入衙門干預詞訟把持官府武斷鄉曲則是明知故犯自干咎戾多士既不自愛本部院亦安能姑息爾而不執法從事乎本部院現已移明

聖訓只許家人抱呈代告不准徑自出頭既以禮重士子愈免特符頂撞與官抵牾致激事端如有不遵

聖訓出頭呈控則其平日必非安分之徒卽事應准理亦當行

學戒飭仍將所控之事摘由存記凡廩貢生監被人控
告及不干已事挺身插訟並於他人詞訟列名作證混
淆是非者該府廳州縣分爲三項開具案由按季造冊
詳送

學臺存案並請凡遇歲科兩試及貢監錄遺時於衡文
之餘兼查此冊以定去取非欲刻繩爾多士正以王成
爾多士使無卽罪戾也該教官其悉意勸導嚴加約束
爾多士尤宜勉自珍重植品績學處則爲端士出則爲

永寧州志 百卷 國碑文

五

良臣以無負

聖朝作育至意是則本卽院所厚望也爾多士其敬聽之毋
忽

貴州巡撫臣賀長齡恭摺

恭維

世祖章皇帝訓士臥碑文八條頒布海內諄切告誡勉爾多士
者至矣盡矣茲蒙

耦庚中丞細加闡釋特將刊本頒發來永伏讀之下前
三條申明有體有用之學後五條揭出愛身忍性之要
而復戒之以好訟勉之以植品所以王成爾多士使無
卽罪戾者意良厚焉本州謹遵
憲頒原文廣爲刊布爾多士務宜身體力行勉自珍重
庶幾處爲端士出爲良臣以無負

永寧州志 首卷 後跋

六

聖朝作育至意而我

中丞栽培訓誨之恩亦可仰酬於萬一是則司牧所厚
望也

道光十六年十一月

永寧州知州黃培杰謹跋

高宗純皇帝訓飭士子文

士爲四民之首而太學者教化所先四方於是觀型焉
比者聚生徒而教育之董以師儒舉古人之成法規條
亦既詳備矣獨是科名聲利之習深入人心積重難返
士子所爲汲汲皇皇者惟是之求而未嘗才志於聖賢
之道不知國家以經義取士使多士由聖賢之言體聖
賢之心正欲使之爲聖賢之徒而豈沾沾焉文藝之末
哉朱子同安縣諭學者云學以爲己今之世父所以詔
其子兄所以勉其弟師所以教其弟子弟子之所以學

永寧州志

卷首

七

舍科舉之業則無爲也使古人之學止於如此則凡可
以得志於科舉斯已爾所以孜孜焉愛日不倦以至於
死而後已者果何爲而然哉今之士惟不知此以爲苟
足以應有司之求矣則無事於汲汲爲也是以至於惰
遊而不知反終身不能有志於學而君子以爲非士之
罪也使教素明於上而學素講於下則士子固將有以
用其力而豈有不勉之患哉諸君苟能致思於科舉之
外而知古人之所以爲學則將有欲罷不能者矣觀朱
子此言洵古今通患夫爲己二字乃入聖之門知爲己

則所讀之書一一有益於身心而日用事物之間存養
省察間然有修世俗之紛華靡麗無足動念何患詞章
聲譽之能奪志哉況卽爲科舉亦無礙於聖賢之學朱
子云非是科舉累人人累科舉若高見遠識之士讀聖
賢之書據吾所見爲文以應之得失置之度外雖日日
應舉亦不累也居今之世雖孔子復生也不免應舉然
豈能累孔子也朱子此言卽是科舉中爲己之學誠能
爲己則四書五經皆聖賢之精蘊體而行之爲聖賢而
有餘不能爲己則雖舉經義治事而督課之亦糟粕陳

永寧州志

卷首

九

言無裨實用浮僞與時文等耳故學者莫先於辨志志
於爲己者聖賢之徒也志於科名者世俗之陋也國家
養育人才將用以致君澤民治國乎天下而囿於積習
不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切
爲諸生言之俾司教者知所以教而學者知所以學

敬維

高宗純皇帝訓飭士子文於乾隆五年勒石太學嗣復通
行各省令教官朔望宣講所以指示學者俾知先

辨厥志而專力於爲已用意至深垂訓至切乃迄今積習仍未大變則以科舉奪其志也於庠弗思甚矣請就朱子非科舉累人人累科舉之言而申論之

國家以科舉取士士安得不由科舉進顧亦思設科之意何爲也恭讀

訓蓋欲使多士由聖賢之言體聖賢之心爲聖賢之徒非沾沾文藝之末然則科舉所以造士何能累人哉卽以文藝論亦必有聖賢爲已之學乃能質有

永寧州志

卷首

其求藝進於道自來名臣碩儒其所著作無不卓然成家卽單詞片言亦往往流傳不朽其根柢盛也夫心乎爲已則所讀之書體認親切油然而以自樂無適而非身心之業卽無適而非舉子業也出而應舉則直抒所見得失不以紛其心理之明者識自卓心之定者氣自醇不求工於文藝而文藝無弗工不求得於科舉而科舉無弗得所謂學也祿在其中自古及今未之有易無他治身心之與業科舉原不分兩事也自俗儒舍身心之業而

業科舉於是判然爲二科其治爲身心病矣王陽明云譬之治家學聖賢者其產業第宅服食器物皆所自置欲請客出所有以享之客去其物具在還以自享終身用之無窮也學舉業者專以假貸爲功欲請客自廳事以至供具百物莫不遍借客來雖一時豐裕可觀客去則盡以還人一物非所有也若請客不至則時過氣衰借貸亦不備終身奔勞作一婁人而已是求無益於得求在外者也陽明此譬卽朱子非科舉累人人累科舉之意蓋

永寧州志

卷首

汲汲科舉不但科舉不能得金所學亦歸烏有卽幸而戈獲而趨向不端挾持無具適足爲科名羞轉不如不得之爲愈則何如勉爲聖賢之學有無不得科舉之理卽今不得而品粹學醇夫固有以自得也何去何從可無早計悲多士之困於習也故恭繹

聖訓之意而推闡之多士其知所辨志哉臣賀長齡恭繹

永寧州志卷首

御書樓在關索嶺頂上樓下爲入漢大道樓中敬懸

聖祖仁皇帝御書滇黔鎖鑰匾額上有

璽章文曰

康熙御筆之寶

永寧州志

首卷

御書樓

十一

永寧州志

首卷

御書樓